



SAKSFRAMLEGG

Sakshandsamar: Jan Erik Boge	Arkivkode: FE-044
Arkivsaksnr: 18/1787	Løpenr: 20/6656
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	03.09.2020	029/2020

Revisjon av delegeringsreglement for Samnanger kommune - framdriftsplan

03.09.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 029/2020 Vedtak:

Formannskapet sluttar seg til administrasjonen sitt forslag til prosess-/framdriftsplan for arbeidet med revisjon av delegeringsreglementet.

Rådmannen sitt framlegg til vedtak:

Formannskapet sluttar seg til administrasjonen sitt forslag til prosess-/framdriftsplan for arbeidet med revisjon av delegeringsreglementet.

Dokument som ikkje er vedlagt:

- Kommunelova
(<https://lovdata.no/dokument/NL/lov/2018-06-22-83>)
- Noverande delegeringsreglement for Samnanger kommune
(<https://www.samnanger.kommune.no/Handlers/fh.ashx?MId1=61&FilId=1017>)

Kva saka gjeld:

Bakgrunn for saka:

Etter § 5-14 i kommunelova skal kommunestyret fastsetja eit reglement for korleis vedtaksmynde og innstillingsrett skal delegerast. Dette skal gjerast innan 31. desember året etter at kommunestyret vart konstituert. Samnanger kommunestyre må derfor fastsetja eit slikt reglement innan 31.12.2020. Fram til nytt reglement vert fastsett, vil det sist vedtekne delegeringsreglementet gjelda.

Det noverande delegeringsreglementet til Samnanger kommune vart vedteke av kommunestyret 14.06.2018 (sak 025/2018). Delar av reglementet vart revidert av kommunestyret 03.06.2019 (sak

029/2019).

Sak om revisjon av delegeringsreglementet i 2020 var oppe i kommunestyret 05.03.2020 (sak 006/2020). Det vart der gjort følgjande vedtak:

«Rådmannen får ansvar for å utarbeida framlegg til revidert delegeringsreglement for Samnanger kommune, jf. reglar i § 5-14 i kommunelova. Formannskapet vert styringsgruppe for arbeidet. Framlegget skal leggjast fram til politisk handsaming i formannskapet og kommunestyret innan 31.12.2020.»

Administrasjonen har no utarbeidd forslag til prosess-/framdriftsplan for arbeidet med revisjon av delegeringsreglementet. Administrasjonen har i tillegg òg forslag til ein del reglar/punkt som bør sjåast spesielt på.

Forslag til prosess-/framdriftsplan:

Administrasjonen foreslår følgjande prosess-/framdriftsplan for arbeidet:

Organ/møtedato	Tekst
Formannskapsmøte 03.09.2020	- Fastsetting av prosess-/framdriftsplan for arbeidet. - Gjennomgang av kva punkt/forhold som skal sjåast spesielt på.
Formannskapsmøte 15.10.2020	- Administrasjonen legg fram førebelse forslag på dei punkta/forholda som skal sjåast spesielt på. - Administrasjonen orienterer om eventuelle andre ting som bør endrast i reglementet. - Formannskapet kjem med innspel til administrasjonen.
Formannskapsmøte 12.11.2020	- Administrasjonen legg fram forslaget sitt til revidert delegeringsreglement. - Formannskapet vedtek si tilråding til kommunestyret.
Kommunestyremøte 03.12.2020	- Formannskapet si tilråding vert lagt fram for kommunestyret. - Kommunestyret vedtek nytt/revidert delegeringsreglement.

Vurderingar og konsekvensar:

Det er relativt kort tid sidan det noverande delegeringsreglementet vart utarbeidd og vedteke. Administrasjonen si vurdering er at det ikkje er nødvendig å gjera store endringar i reglementet no. Likevel er det behov for å gjera nokre justeringar. Bakgrunnen for dette er primært at det i nokre saker det siste året har vorte avdekka manglar/uklare punkt i reglementet. Nedanfor er det lista opp punkt/reglar som administrasjonen meiner bør sjåast spesielt på.

Punkt/reglar som bør sjåast på spesielt:

- Kommunal kriseleiing (punkt 14.2 i delegeringsreglementet) - det bør sjåast på om det er behov for klarare reglar om vedtaksmynde/fordeling av vedtaksmynde i kommunal kriseleiing.
- Mynde til å gje uttalar på vegner av kommunen (punkt 4.3 og 6.2.h i delegeringsreglementet) - det er behov for å avklara om også rådmannen kan gje uttale i

nokon typar saker, og i så fall kva typar saker.

- Mynde i samband med rettssaker/rettstvistar etc (punkt 16.1.f i delegeringsreglementet) - det er behov for å klargjera kva mynde/fullmakter som ligg til høvesvis politiske organ, ordførar og rådmann.
- Mynde på innkjøpsområdet bør gjennomgåast - vurderer om det er godt nok avklart kva innkjøpsfullmakter som ligg til kommunestyret, formansskapet og rådmannen? Også vurderer om det bør gjerast endringar.
- Kjøp og sal av eigedom (punkt 4.2.r i delegeringsreglementet) - bør/kan nokon fullmakter delegerast til rådmannen?
- Leigekontrakter (punkt 4.2.u i delegeringsreglementet) - det er behov for å avklare om mynde som ikkje ligg til kommunestyret ligg til rådmannen (eller om noko mynde ligg til formannskapet).
- Punkt 4.2.r i delegeringsreglementet - heile punktet bør gjennomgåast. Dette punktet gjeld mellom anna mynde i saker som gjeld kjøp, avhending, makeskifte eller pantsetjing av fast eigedom. Går det an å skriva dette punktet klarare?
- Punkt 4.2.t i delegeringsreglementet - heile punktet bør gjennomgåast. Dette punktet gjeld mynde i saker om avtalar om leveransar, bruksrettar eller særlege råderettar. Går det an å skriva dette punktet klarare?
- Retta opp punkt i delegeringsreglementet som ikkje er oppdaterte med omsyn til noverande organisering, interkommunale samarbeid etc. Dette kan for eksempel gjelda delegering av mynde etter barnevernlova, som må endrast når Samnanger etablerer eige barnevern i 2021.
- Gjennomgang av lovhenvisingar m.m. i delegeringsreglementet - kontrollere at alle lover m.m. som det er henvist til, framleis er gjeldande.

Administrasjonen vil gjera tilføyningar på lista dersom det vert avdekka behov for dette under arbeidet med revisjon av reglementet.